



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Sacramentis, Mille Sexcenti Errores, Vaniloquia, Et
Cavillationes**

Miletus, Vitus

Mogvntiae, 1593

VD16 M 5205

De Discrimine Sacmentorum noui & veteris Testamenti.

urn:nbn:de:hbz:466:1-30094

Millesexcenti Errores,

112. Sacramentorum Consecrationem non esse aliud, quā magicam per murmura verborum incantationem. *Pasim omnes.* Verum cum magia nulla sit, vel esse possit, sine pacto quomodo libet inito cum Diabolo, verba vero Sacramentorum pronuntiantur ex ore & pacto Christi, non ad dementandos vel incantandos, sed ad sanctificandos, & à potestate Diaboli eripiendo homines, quomodo magica sunt, vel dici possunt? An Christus Magnus? An Christus Belial? An sanctificatio hominū, incantatio est, vel magia? an potius eorum verba & doctrina blasphema?

113. Pontificios vim Consecrationis Sacramentorum ponere in solo murmure & strepitu verborum, siue ut Kemnitius loquitur, in solis Syllabis & Characteribus, siue vlla fide & sensu. Errant: Non enim in sono vel numero characterum & syllabarum, sed in sensu & significatione vim illam ponunt: Nec vnamagis, quam alia lingua Sacraenta administrari docent, non attendentes, quo sono sonituque vel charactere verba prounientur, dummodo sensus verus & ordo retineatur, sine quo Consecratio fieri nulla potest.

De Discrimine Sacramentorum noui & veteris Testamenti.

114. **D**iscrimen nullum esse, inter Sacraenta veteris & noui testamenti, nisi quoad signa & ceremonias externas. *Kemnit. pag. 16. Idem Luth. expressè tom. 2. lat. de Capt. Babyl. pag. 73.* Et idem expressè contrarium in *Coniuinal. tit. de Sacram.* Errant vero, planum est enim, signa utrobique esse persimilia, Neque enim alias vel panis vel aqua, vel oleum vel vinum in nouo est, ac in veteri fuit testamento. Non ergo in signis, sed in rebus ipsis significatis, quarendum est discrimen.

115. Augustinum passim scribere, Sacraenta vetera in signis diuersa, in re fuisse eadem. *Kemnit. pag. 15.* Verum id quidem,

dem, sed non eo (quem Kemnitius singit) sensu, quasi eandem, quam significabant, rem ex institutione sua contulerint, alioquin *Galat. 4.
Coloss. 2.
1. Cor. 10.* egena & nuda minimè dicerentur ab Apostolo elementa, sed quod in usu ipsorum res eadem, non propter institutionem signi, sed fidem Christi venturi, conferebatur.

116. In hoc duntaxat differre Sacraenta nostra à veteribus, quod illa significabant Christum venturum, nostra vero annuncient exhibitū. *Kem.* Atqui propter solam significationem, nulla instituenda erant noua, neq; propter ipsam, sed propter hominum instituta sunt renouationem, sanctificationem & iustificationem. Igitur non in significatione Christi presentis, futuri vel præteriti, sed in virtute & efficacia ipsorum Sacramentorum quærenda est diuersitas.

117. Sacraenta vetera non tantum significasse, sed verè contulisse gratiam, eandem quam nostra conferunt. *Kemnit. Hebr. 1.
Luther. supr. 1. Cor. 10.* At si eandem contulerunt, quomodo nostrorum figura fuerunt & umbra? An idem sunt Corpus & corporis umbra? Figura & veritas? Quomodo nuda fuerunt & egena signa & elementa, si eandem cum nostris gratiam contulerunt?

118. Pontificios negare, Sacraenta quoquo modo contulisse gratiam. *Kemnit.* Minimè: Etenim ex opere operantis, siue quod alij dicant, ex fide in Christum venturum gratiam contulisse, eaque homines saluatos fuisse, nulli negant Pontificij.

119. In hoc differre Sacraenta vetera à nouis, quod noua maiorem & vberiorem gratiam conferant veteribus. *Kemn. ibid.* Cum eodem prorsus loco pluribus contendat, in veteri lege eundem fuisse Christum, eandem promissionem, eandemque fidem & gratiam: Et quidem, si per illa, non minus ac per nostra, homines saluabantur, quid minus conferebant illa quam nostra? Denique maiorem volunt conferri per noua, cum nec per hæc, nec per illa ullam dari, sed propter fidem eandem omnibus imputari passim contendant?

120. Pontificios gratuitam promissionē, quā gratia offertur & ex-

Millesexcenti Errores,

& exhibetur, & fidem, qua promissio apprehenditur, ex Sacramentis proscribere. Kemnit. ibid. At mirabile est, quomodo fidem ex Sacramentis proscribant, cum sine fide ad Sacramentorum perceptionem neminem admittant? Gratiam vero quomodo Sacramentis derogant, cum eam ex opere operato conferre omnes affirment?

121. Pontificios Sacra mentis proscribere, ex Dei actione facere opus nostrum, ex gratia meritum, ex promissione præceptum. Kemnit. ibid. Egregie sanè, Omnia propemodum Sacra menta è medio sustulerunt & proscripterunt, & dum hoc ipsum palam factit, Pontificios qui ea scriptis factisque propugnant, id agere clamitant? Et quomodo exactio Dei faciunt opus nostrum? An Sacramentorum vis & operatio opus non est Dei? Ex gratia vero quomodo faciunt meritum? cum sine gratia, non modo nullum meritum, sed nec opus quidem undeque agnoscant bonum? nec aliud sint nostra merita, quam Dei gratuita dona. Promissionem denique nulli præceptum faciunt, sub præceptum tamen cadere omnes docent.

122. Calumniari Pontificios, quod Lutherani Sacra menta è medio tollant, & proscribant. At cum vim nullam Sacramentis, sed omnem fidei, atque adeò parem omnino tribuant veteribus, nonne Sacra menta penitus eneruant & annihilant? De quare Basil. sic loquitur: *Qui veritatem umbræ comparans, eamq; figuris conferens, ea quæ figuris significantur tribuit, uniuersam pariter Euangeli dispensationem eleuare aggreditur.* Et infr. *Quid confers lauaca cum lauacris? quæ solam nominis appellationem habent communem? rerum vero tanta est differentia, quanta est inter somnia & veritatem, inter umbras & imagines, & inter ea quæ vere sunt.* Et idem significauit Augustin. cum dixit: *Sacra menta non sunt eadem, quia alias sunt dantia salutem, alia promittentia Saluatorem.*

123. Augustinum, quando dicit, Sacra menta veteris testamenti promisisse Saluatorem, nostra vero conferre salutem, loquitur in modo de iis Sacramentis antiquis, quæ annexam promissi-

De Spir. Sanct.
cap. 14.

In Psal. 73.

promissionem non habebant. *Kennit. pag. 13.* Cum de omnibus loquatur in genere, dicens, Omnia fuisse mutata, eò quod nulla dabant salutem: Deinde loquitur de illis, quæ promittent Saluatorem, at quomodo salutis non habet promissionem, quod salutis promittit datorem? an aliud est promittere Saluatorem, quam promittere salutem per Saluatorem?

124. Non esse præsumendum de tanto viro Augustino, quod senserit, nullam per Sacra menta vetera collatā fuisse gratiam, cum palam sit, Circumcisione saluatos fuisse homines. *Kennitius ibid.* Cum nullus vñquam Circumcisioni gratiam ex opere operantis detraxerit.

125. Pontificios studiosè occultare, & deprauare sententiā Lutheri, quasi senserit, omnia indifferenter veteris legis Sacra menta contulisse gratiam, cum non ignorent, vel ignorare deberent, quod idem Lutherus annotauit, in sua Capt. Babyl. *Sacra menta quædam veteris legis tantum fuisse præfigurativa, seu significativa;* alia autem non tantum significasse, sed etiam habuisse annexam promissionem gratiæ. *Idem Kennitius.* Cum hanc ipsam distinctionem ab aliis non habeant, quam à Scholasticis, quatenus non obstante, gratiam nullam ex opere operato contulisse, vñanimiter omnes contestantur Scholastici.

126. Iridem Noe, Vellus Gedonis, signum Achatz, vmbra Horologij, & similia, vera fuisse veteris testamenti Sacra menta. *Lutherus de Capt. Babyl. cap. de Baptismo.* Somnia dicere *Genes. 9.* *Iudic. 6.* *Isa. 7.* debebat, non Sacra menta: Ecquis enim ea vera fuisse Sacra men- *Reg. 20.* ta aliquando somniauit? Nisi signum quodlibet, Sacra mentum quoquo modo dicere velimus?

127. Scripturam non definire de Sacra mentis veteris legis, quid sint per se, hoc est, ex institutione diuina, ut scilicet sunt sigilla promissionis gratiæ, & iustitiæ fidei, sed reprehendere solum & refutare eorum falsas opiniones, quas homines externis illis ritibus, neglecta promissione & fide, affingebant. *Kennit. pag. 14.* Cum nec vetera, nec noua Sacra menta, sigilla sint promissionis, vt alibi diximus, Eo enim ipso, quo sigilla dicuntur

E gratiæ,

Millesexcenti Errores,

gratiae, eam conferre negantur, aliud est enim, longe sigillare vel ob-signare, aliud, vere efficere & conferre gratiam.

128. Scripturam reprehendere falsas eorum opiniones, quas homines in illis ritibus, neglecta promissione & fide, affingebant. *Kemnitius.* At quinam obsecro illi Pontificij vel Scholastici, qui neglecta promissione & fide, externis signis & ritibus meritum aliquod vel gratiam tribuerunt? Gratiam vero Sacramentis annexam, non hominum vel Scholasticorum affinxit opinio, sed Christi addidit & indidit institutio.

129. Augustinum, quando scribit, Sacraenta vetera per Christum fuisse ablata, & noua instituta, numero pauciora, obseruatu facilitiore, significacione praestantiora, virtute maiora, utilitate meliora, &c. non velle, quod Sacraenta vetera nullam omnino contulerint gratiam, sed quod non tantam, quam tam nostra, Certe enim, (inquit Kemnitius) quae secundum magis et minus comparantur, licet gradu differant, in uno tamen et eodem genere conueniunt. Verum Augustinus non tantum afferit, ista numero esse pauciora, sed etiam virtute maiora & efficaciora: At obsecro, quia virutem maiorem habent ista, si non conferunt, quod illa tantum significabant? aut si illa quoque gratiam qualiter cunq; contulerunt, quomodo umbra & egenaelementa fuerunt?

De Efficacia Sacramentorum.

130. **D**ocere, Sacraenta esse causam iustificationis, non esse aliud, quam abstrahere homines a Christo & eius passione, & iustificationem tribuere signis.

Calvin. lib. 4. Inst. cap. 14. §. 14. At nisi homines isti a Christo prorsus essent abstracti, aut potius in reprobum sensum traditi, vaniloquia eiusmodi minimè effutirent: An enim a Christo abstractuntur, qui ad illa media alegendur, quibus ad Christum pervenitur? & quae ipse pro salutem hominum instituit Christus? An Apostoli homines a Christo abstracterunt, quando interrogantibus il-